

PRUFISSORI

. Scopi comunicativi :

- . Prisintà si/Se présenter
- . Salutà, licenzià/Saluer, prendre congé
- . Prupona qualcosa/Proposer quelque chose
- . Accittà, ricusà/Accepter, refuser
- . Ringrazià/Remercier

.U filmettu:

1. I trè parsunaghji si salutani : 15''
2. Serena faci una pruposta : 10''
3. Petru è Lesiu parlani di i so lochi : 16''
4. Ghjugni u caffè : 14''
5. Serena presenta una appiicazioni : 13''
6. Petru si ni và : 15''

.Capiscitura:

U prufissori si pudarà ghjuvà da l'esercizii interattivi.

1. Glubali :

. À i sculari li si dumanda di dì tuttu ciò ch'eddi poni nantu à u filmettu (paroddi, pezzi d'infrasati, situazioni...). À pocu à pocu si ghjugni à una discrizzioni fundia di u cuntestu è di i situazioni.

2. À pezzi :

- . Pà ogni parti si pò dumandà à i sculari di truvà un titulu.
- . I sculari ripetini u più paroddi, pezzi d'infrasati o infrasati pussibili.
- . U prufissori faci i dumandi pricisi : « quali ci hè quì ? », « quantu ci hè parsoni ? », « comu si chjamani ? » ecc...
- . I sculari rifacini a passata à menti.

.Sprissioni idiumaticchi :

Sò da truvà in a passata :

-Mì ! (→ *I vucichjuli*)

-Mi faci piacè

- Piccatu !
- Dì mi ghjà, fà ghjà veda
- Ancu puri
- À chjamà ci

. Si pudarà dà altri vucichjuli, spiichendu chì u sensu pò cambià sicondu u cuntestu è l'intunazioni, è fendu li ripeta à i sculari. Si pudarà incalcà nantu à i vucichjuli *in italicu* qui sottu.

Sò da truvà in l'esercizii interattivi (Lexique et communication -I vucichjuli) :

- Umbè : je ne sais pas ; eh bien dis donc ! ;
- Mì, mirè, mirà : *ça alors (ça m'étonne) ! ; pas possible ! ; attention ! ;*
- È ! : ma foi ! ;
- Eeeeè ! : fais attention!
- Euh ! : bonjour; tu exagères... ;
- Aù ! : *beurk ! ; laisse tomber... ;*
- Uà ! : *ça alors (je n'en crois pas mes yeux/mes oreilles) ! ; si tu savais... ;*
- Ebbè ! : *tiens donc ! (rencontre) ; que fais-tu ? (mise en garde) ;*

.Studiu di a lingua :

. Esercizii interattivi di Studi@lingua.

. L'intarrucativi : i sculari si facini un « chjami è rispondi » trà eddi cù *chì, quali, induva*.

. A frasa dichjarativa è nicativa : u prufessori faci uni pochi di dumandi chì a risposta hè affirmativa o nicativa. Dopu tocca à i sculari à fà listessa.

. I verbi : i sculari si facini un chjami è rispondi trà eddi : « u cunnosci à ... ? » ; « l'ai una penna ? », « sei Curtinesi tù ? » ecc...

. U nomi, l'articulu : exercizii interattivi .

.Pruduzioni à bocca (discorsu cuntinuvu) :

U sughjettu pò ghjuvà da pruduzioni scritta.

Prisintareti dui amichi vostri, unu cunnusciutu da anni è anni è l'altru cunnusciutu da pocu.

.Pruduzioni à bocca (discursata) :

U sughjettu pò ghjuvà da pruduzzioni scritta.

Rifareti a cuntrastata (o una parti, o dui...) cù un cumpagnu, cambiendu i nomi è u cuntestu.

.Cultura :

.Esercizii interattivi di Studi@lingua.

.Studiu è ripruduzzioni di a carta di a Corsica cù l'elementi di primura (cità, uni pochi di paesi, monti, fiumi...)

.Ogni scularu cerca u so paesi, a so pievi... è i scrivi nantu à a so carta.

.Piaghja è muntagna: parchì sò cusì ligati ?

.L'aghjettivi d'appartinanza à un paesi, una pievi...

.Valutazioni (fiscia scularu) (+ currizioni):